



SBASHK Arsimimi sot

Shtator, 2025

Gazeta elektronike

SBASHK organizoi punëtori dyditore me temën “Mësuesit si Liderë për të Forcuar Sindikatat dhe për të Përmirësuar Arsimin”



SBASHK në bashkëpunim me Qendrën Amerikane të Solidaritetit (Solidary Center) ka organizuar gjatë muajit shtator punëtori dyditore me temë “Mësuesit si lider për të forcuar sindikatat dhe për të përmirësuar arsimin” Në seminar ishin pjesëmarrës përfaqësues të sindikatave të arsimit nga Kosova dhe rajoni. Hapjen e kishte bërë kryetari i SBASHK-ut, Rrahman Jasharaj, i cili e kishte përshëndetur këtë tryezë, duke falënderuar Qendrën Amerikane të Solidaritetit për mbështetjen, si dhe pjesëmarrësit tjerë për kontributin e tyre gjatë punëtorisë... (faqe 8)

SBASHK në Konferencën Finale të ETUCE-së për përfshirjen e refugjatëve dhe migrantëve në arsim



Më 25–26 shtator 2025, në Varshavë të Polonisë, u mbajt Konferenca Finale e projektit të ETUCE-së, “In and through education: Education Trade Unions support the inclusion of refugees and migrants”, ... (faqe 6)

Shpalesje kujtimesh për angazhimet e shumta sindikale



Nëpër vite e dekada veteranët e SBASHK-ut kanë vënë nga një gurë në themelet e SBASHK-ut duke e kthyer atë në kështjellë të fuqishme dhe në një zë... (faqe 2)

Flasin disa nga veteranët e SBASHK-ut



Duke marrë pjesë në aktivitetin tradicional në shenjë respekti për veteranët e sindikatës të gjithë janë shprehur krenar që kanë qenë veprimtarë të SBASHK-ut dhe falënderojnë stafin qendror që po i bënë bashkë dhe nuk po i harron ata... (faqe 3)

Përfaqësuesit e SBASHK-ut u pritën nga nënkryetari i Prishtinës, Shkëmb Manaj



Kryetari i SBASHK-ut Rrahman Jasharaj, nënkryetarja Vjollca Shala, sekretari Ymer Ymeri dhe zyrtari ligjor, Blendor Shatri, janë pritur nga nënkryetari i ... (faqe 9)



Editorial

Shpalosje kujtimesh për angazhimet e shumta sindikale



Nëpër vite e dekada, veteranët e SBASHK-ut kanë vënë nga një gur në themelet e kësaj sindikate, duke e kthyer atë në një kështjellë të fuqishme dhe në një zë të fortë sindikal. SBASHK-u, në shenjë respekti për misionin e tyre si pishtarë të dijes dhe për angazhimet e shumta ndër vite e dekada në aktivitetet sindikale në komunat e tyre, ka vazhduar me aktivitetin tradicional, duke i bërë bashkë këta veprimtarë, të cilët vërehej qartë krenaria për SBASHK-un, por edhe ndjenja e mirë që sindikata e tyre nuk po i harron – edhe pse kanë kaluar shumë vite që kur janë pensionuar dhe në letra nuk janë më anëtarë të sindikatës, atë ende e mbajnë në zemër. Dy ditët e këtij aktiviteti u kanë dhënë mundësinë që ata të bashkëbisedojnë dhe të kthejnë kujtesën në vitet

'90, por edhe në të gjitha periudhat kur angazhoheshin për edukimin e brezave dhe për forcimin e zërit sindikal. Siç thoshin gjatë bisedave, zemra u bëhej mal për arritjet e shumta të SBASHK-ut ndër vite, edhe pse tashmë nuk janë më pjesë aktive e veprimtarive sindikale.

Ata janë pensionistë tash e një kohë të gjatë dhe vitet kanë lënë gjurmë në shëndetin e tyre, por sikur rinohen kur bëhen bashkë dhe shpalosin kujtime nga veprimtaritë me plot sfida që i kanë përballuar së bashku. Mundohen që as edhe një aktivitet të mos mbetet në harresë dhe, për ta bërë atmosferën edhe më të ngrohtë, ka nga ata që tregojnë ndonjë ngjarje që për kohën ka qenë sfiduese, por tani kujtohet me humor e buzëqeshje.

Në kuadër të këtij aktiviteti, u organizua edhe një takim solemn, ku kryetari Rrahman Jasharaj dhe sekretari i përgjithshëm Ymer Ymeri përshëndetën këta pishtarë të dijes dhe veprimtarë të shkëlqyer të sindikatës, duke i falënderuar për gjithë kontributin e dhënë. Në këtë takim, të pranishmit parashtruan edhe disa pyetje lidhur me ligjet në fuqi dhe kërkuan sqarime, për të cilat u kujdes zyrtari ligjor Blendor Shatri.

Për çdo pyetje, sugjerim apo informata shtesë, mund të vizitoni ueb-faqen tonë:

www.sbashk-rks.org

Mos hezitoni të na jepni sugjerime për përfshirjen edhe të ndonjë rubrike në interes të antarësisë në gazetën e juaj elektronike Arsimi SOT.

Që SBASHK-u të jetë gjithnjë në shërbimi të antarësisë, së shpejti do të oftojmë shërbime këshilla për ngritje profesionale për anëtarët e vet si dhe së shpejti do të paraqiten video-spote në uebfaqen e SBASHK-ut rreth shërbimeve për anëtarësinë.

Botues: **Sindikata e Bashkuar e Arsimit, Shkencës dhe Kulturës e Kosovës (SBASHK)** përfaqëson mbi 24.000 anëtarë në tërë territorin e Kosovës duke përfshirë edhe komunitetet, SBASHK është anëtare e Edukimit Ndërkombëtar që nga viti 1996 me drejta të plota.

Email: info@sbashk-rks.org

Tel: +383 (0) 38 226 940



Intervista

Flasin disa nga veteranët e SBASHK-ut



Duke marrë pjesë në aktivitetin tradicional, në shenjë respekti për veteranët e sindikatës, të gjithë janë shprehur krenarë që kanë qenë veprimtarë të SBASHK-ut dhe falënderojnë stafin qendror që po i bën bashkë dhe nuk po i harron ata.

Për numrin e gazetës sonë për muajin shtator, po sjellim deklaratimet e disa prej veteranëve që ishin pjesë e këtij aktiviteti tradicional.

Rexhep Sadiku ishte veprimtar i dalluar sindikal në komunën e Ferizajt dhe pastaj u zgjodh edhe nënkryetar i SBASHK-ut. Ai me krenari deklarohet për ato vite, duke vlerësuar se SBASHK-u ishte dhe mbetet zë i fuqishëm sindikal dhe shembull i shkëlqyer si mbrojtës i të drejtave të punëtorëve arsimorë. Rexhepi shpreh respekt për stafin qendror që po organizon edhe këtë aktivitet, që tashmë është bërë tradicional.

“Kur e sheh se vlerësohet dhe nuk harrohet angazhimi dhe kontributi nëpër vite e dekada, njeriu ndihet mirë. Ju faleminderit, SBASHK”, thotë veterani sindikal Rexhep Sadiku.

Ibish Maksutaj shprehet: “Falënderoj SBASHK-un që nuk po na harron dhe po organizon këtë aktivitet. Pata kënaqësinë të takohem me kolegët e mi, me të cilët jemi angazhuar edhe në edukimin e arsimimit të brezave, por edhe në sindikatën tonë që nga themelimi i saj.”

Ahmet Gashi është nga veprimtarët e hershëm sindikal. Ai, në takimin solemn, shprehu respekt për stafin qendror, duke shtuar se ka përcjellë me vëmendje çdo angazhim të SBASHK-ut dhe ndjehej krenar që i ka takuar edhe ai kësaj sindikate, që ishte dhe mbetet zë i fuqishëm sindikal. Ahmet Pllana është një mësimdhënës e udhëheqës shkollë i respektuar. Për disa vite ishte kryetar i Kuvendit të

Sindikatës së Arsimit Parauniversitar për Prishtinën. Tani e sa kohë është pensionuar, por, siç e thotë, ndjehej krenar me SBASHK-un.

“Ishte nder për mua që udhëhoqa Kuvendin e sindikatës sonë për Prishtinën. Kaluam nëpër shumë sfida, por gjithmonë pata mbështetjen e stafit qendror. Me veteranët e SBASHK-ut po kalojmë çaste të bukura dhe po shpallim kujtime për angazhimet sublimë të sindikatës në vitet e '90-ta, por edhe për angazhimet, sfidat dhe arritjet në gjithë vitet e pasluftës”, deklaroi Pllana.



Taip Keqmezi shprehet me plot respekt për gjithë angazhimet dhe përkushtimin e SBASHK-ut nëpër vite e dekada. Ai lavdëron stafin qendror, duke e përgëzuar për shumë arritje dhe e falënderon edhe për aktivitetin tradicional me veteranët e sindikatës.

“Ne, edhe kur nuk jemi aq mirë me shëndet, me t’u takuar me njëri-tjetrin, rinohejmë dhe bashkërisht kujtojmë vitet e dekadat e kaluara në arsim dhe në sindikatën tonë, e cila ishte dhe mbetet zë i fuqishëm i të punësuarve në arsim, që nga çerdhet e deri në universitete”, thotë Taipi.

TRAJNIMET

SBASHK organizoi gjatë shtatorit katër grupe të trajnimit në komuna të ndryshme të Kosovës

Me të hyrë në muajin shtator dhe me fillimin e vitit të ri shkollor, në SBASHK janë shtuar edhe kërkesat e mësimdhënësve për t'i ndjekur trajnimet që SBASHK-u i organizon pa pagesë për anëtarësinë e vet.



Gjatë muajit shtator, SBASHK organizoi katër grupe të trajnimit në dy programe të ndryshme të trajnimit në tri komuna të Kosovës.



Të shtunën e fundit të shtatorit SBASHK filloi me një grup të trajnimit në Komunën e Drenasit për një grup të mësimdhënësve të cilët po e ndjekin trajnimin “Aplikimi i programeve kompjuterike në mësimdhënie-moduli 2”, me trajnerin e përcaktuar nga SBAHSK, Fejzullah Berisha. Trajnimi po mbahet në Gjimnazin “Gjergj Kastrioti Skenderbeu”, derisa për t’u kujdesur për mbarëvajtjen e tij, mësimdhënësit I ka vizituar në ditën e parë të trajnimit edhe kryetari I NSKAP-it për Drenas, Ilaz Dervishi.



Një javë më parë, SBASHK-u e filloi trajnimin në programin “Forcimi i kapaciteteve për udhëheqje efektive të dialogut social” me një grup mësimdhënësish në Lipjan, të cilin e udhëhoqi trajneri i përcaktuar nga SBASHK-u, Emrush Ahmeti.



Trajnimi ishte mbajtur në shkollën “Ismail Luma” në Lipjan, ndërsa mësimdhënësit ishin shprehur të kënaqur me ofrimin e mundësisë për zhvillim në karrierë nga SBASHK-u.



Në të njëjtin program trajnimi, në javën e dytë të shtatorit, kishte filluar edhe një grup trajnimi në Fushë-Kosovë, me trajnerin e përcaktuar nga SBASHK-u, Safet Beqiri.



Trajnimi ishte mbajtur në shkollën “Mihal Grameno”, kurse mësimdhënësit, gjatë fillimit të trajnimit, i kishte përshëndetur edhe kryetari i NSKAP-it për Fushë-Kosovë, Haki Krasniqi. Mësimdhënësit ishin shprehur mirënjohës ndaj SBASHK-ut për mbështetjen në karrierë, duke ofruar trajnime pa pagesë në çdo komunë të Kosovës.



Në po të njëjtën javë, kishte filluar edhe trajnimi me një grup të mësimdhënësve të Lipjanit në programin “Aplikimi i programeve kompjuterike në mësimdhënie”, ku trajner i përzgjedhur nga SBASHK-u për ta udhëhequr këtë grup ishte Idriz Sopa. Mësimdhënësit i kishte vizituar edhe vetë kryetari i NSKAP-it për Lipjan, Emrush Ahmeti.



Ndërsa, grupi i parë i trajnimit që e kishte nisur këtë muaj, ishte ai i mësimdhënësve të Gjilanit, ku në programin “Forcimi i kapaciteteve për udhëheqje efektive të dialogut social”, nën udhëheqjen e trajnerit të përcaktuar nga SBASHK, Rexhep Arifi, ishte mbajtur trajnimi në shkollën “Vesel Muja” në Gjilan.




Për ta përshëndetur trajnimin, por edhe për t'u kujdesur për ecurinë e tij, gjatë organizimit ishte i pranishëm edhe kryetari i NSKAP-it për Gjilan, Blerim Mehmeti.



SBASHK vazhdon angazhimin përmes trajnimeve në shërbim të anëtarësisë në gjithë Kosovën.

Kurse, me fillimin e vitit të ri shkollor, SBASHK ka vazhduar edhe me teste për mësimdhënësit, të cilët i kishin ndjekur trajnimet në programin “Aplikimi i programeve kompjuterike në mësimdhënie” para pushimeve verore, e të cilët kishin mbetur pa iu nënshtruar testimit nga ky trajnim.



Teste për mësimdhënës ishin organizuar në Drenas, ku një grup i mësimdhënësve e kishte vijuar trajnimin “Aplikimi i programeve kompjuterike në mësimdhënie – Moduli 2” me trajnerin e përcaktuar nga SBASHK, Fejzullah Berisha.



Kurse, testi ishte administruar nga sekretari i përgjithshëm në SBASHK, Ymer Ymeri, dhe zyrtarja Afërdita Ahmeti. Trajnimi ishte mbajtur në Gjimnazin “Gjergj Kastrioti Skënderbeu”, kurse ishte përcjellë nga afër edhe nga kryetari i NSKAP-it për këtë komunë, Ilaz Dervishi. Testi për një grup të mësimdhënësve ishte mbajtur edhe në shkollën “Musa Hoti” në Mitrovicë dhe ishte administruar nga nënkryetarja Vjollca Shala dhe sekretari Ymer Ymeri.



Trajnimi ishte udhëhequr nga trajneri i përcaktuar nga SBASHK, Kadri Hyseni, derisa për mbarëvajtjen e tij ishte përkujdesur kryetari i NSKAP-it për Mitrovicë, Isa Ismajli.



UDHËTIMET

SBASHK në Konferencën Finale të ETUCE-së për përfshirjen e refugjatëve dhe migrantëve në arsim



Më 25–26 shtator 2025, në Varshavë të Polonisë, u mbajt Konferenca Finale e projektit të ETUCE-së “In and through education: Education Trade Unions support the inclusion of refugees and migrants” (Në dhe përmes arsimit: Sindikatat e Arsimit mbështesin përfshirjen e refugjatëve dhe migrantëve), me pjesëmarrjen e të gjitha sindikatave të arsimit nga vendet evropiane.



Në këtë ngjarje të rëndësishme, SBASHK ishte përfaqësuar nga Sekretari i Përgjithshëm, prof. Ymer Ymeri, dhe nënkryetarja, znj. Vjollca Shala, të cilët kanë dhënë kontributin me përvojën e Kosovës në adresimin e sfidave të përfshirjes së refugjatëve dhe migrantëve në sistemin arsimor. Konferenca ishte hapur me fjalimet përshëndetëse të: John MacGabhann, president i ETUCE-së; Sławomir Broniarz, president i ZNP (Poloni); Barbara Nowacka, ministre e Arsimit e Polonisë.



Në konferencë, Jelmer Evers (ETUCE) kishte prezantuar rezultatet e projektit ETU4REF, ndërsa Dominique Danau (SAGO Research) kishte paraqitur gjetjet kërkimore dhe rekomandimet e politikave për përfshirjen e refugjatëve dhe migrantëve në arsim. Gjatë sesioneve të punës, përfaqësues nga sindikatat e arsimit në gjithë Evropën, përfshirë edhe delegacionin e SBASHK-ut, kishin diskutuar mbi: mënyrat më efektive për përfshirjen e

nxënësve me prejardhje refugjatësh e migrantësh; rolin e sindikatave në mbështetjen e mësimdhënësve me këtë sfond; avokimin për politika arsimore gjithëpërfshirëse dhe barazi në arsim.

Ky aktivitet, i mbështetur financiarisht nga Komisioni Evropian, ishte një mundësi e vlefshme për të ndarë përvojë, për të forcuar bashkëpunimin ndërkombëtar dhe për të avancuar misionin e arsimit si e drejtë universale për të gjithë. Konferenca vazhdoi edhe gjatë ditës së dytë me sesione të tjera kushtuar shkëmbimit të përvojave mes sindikatave të arsimit nga e gjithë Evropa, duke theksuar rolin e tyre në avokimin për politika arsimore gjithëpërfshirëse dhe mbrojtjen e të drejtave të mësimdhënësve.

SBASHK mbetet i përkushtuar të kontribuojë aktivisht në këto nisma evropiane, duke mbrojtur të drejtat e mësimdhënësve dhe duke promovuar arsim cilësor e gjithëpërfshirës për çdo fëmijë.

SBASHK nderon “veteranët” e arsimit

SBASHK ka vazhduar me aktivitetin tradicional për të dëshmuar respektin e lartë për veprimtarët veteranë, të cilët që nga vitet e 90-ta e deri në pensionim kanë dhënë kontribut me vlerë në angazhimet e shumta në shërbim të anëtarësisë dhe në forcimin e zërit sindikal.

Ata janë pensionistë tani e sa kohë dhe vitet kanë lënë gjurmë te ta, por ata sikur rinojnë kur bëhen bashkë dhe shpalosin kujtimet për angazhimet dhe veprimtaritë e shumta sindikale. Kështu ishte edhe këtë vit. SBASHK-u i bëri bashkë për dy ditë me radhë dhe një takim solemn; kryetari Rrahman Jasharaj dhe sekretari i përgjithshëm,

Ymer Ymeri, kanë përshëndetur këta pishtarë të dijes, duke i falënderuar për gjithë kontributin e dhënë nëpër vite e dekada në angazhimet sindikale në shërbim të anëtarësisë dhe në arritjet e shumta të SBASHK-ut. Zyrtari ligjor Blendor Shatri u përgjigj në pyetjet që kishin të bënin me Ligjin për skemat pensionale. Këta veteranë shprehën krenarinë e tyre për SBASHK-un, duke falënderuar shtabin qendror për këtë aktivitet që dëshmon se vlerësohet lart dhe nuk harrohen kurrë këta veprimtarë sindikalë dhe pishtarë të dijes nëpër vite e dekada.



SBASHK organizoi punëtori dyditore me temën “Mësuesit si liderë për të forcuar sindikatat dhe për të përmirësuar arsimin”.



SBASHK, në bashkëpunim me Qendrën Amerikane të Solidaritetit (Solidarity Center), ka organizuar gjatë muajit shtator punëtori dyditore me temë “Mësuesit si lider për të forcuar sindikatat dhe për të përmirësuar arsimin”



Në seminar ishin pjesëmarrës përfaqësues të sindikatave të arsimit nga Kosova dhe rajoni. Hapjen e kishte bërë kryetari i SBASHK-ut, Rrahman Jasharaj, i cili e kishte përshëndetur këtë tryezë, duke falënderuar Qendrën Amerikane të Solidaritetit për mbështetjen, si dhe pjesëmarrësit tjerë për kontributin e tyre gjatë punëtorisë dyditore.



Në punëtorinë dyditore kishin marrë pjesë edhe përfaqësuesit e sindikatave të arsimit të Shqipërisë, Malit të Zi dhe Maqedonisë së Veriut, të cilët i kishin paraqitur përvojat e tyre nga këto shtete në lidhje me temat e punëtorisë.



Presidenti i Federatës së Sindikatave të Arsimit dhe Shkencës të Shqipërisë (FSASH), Shpëtim Brahaj; Presidenti i Sindikatës së Pavarur të Arsimit të Shqipërisë (SFASH), Nevrus Kaptelli; Kryetarja e Bordit Komunal të Tuzit, Mali i Zi, Albana Lulanaj; Marina Dedvukaj nga Organizata Sindikale e Shkollave të Mesme të Malit të Zi; Tafa Ahmeti, nënkryetar i Sindikatës së Arsimit, Shkencës e Kulturës të Maqedonisë së Veriut (SNOK); Zanafer Baimak, përfaqësues rajonal i Sindikatës së Arsimit, Shkencës e Kulturës të Maqedonisë së Veriut (SNOK); dhe Bruna Hylviu, zyrtare e programit nga Qendra Amerikane e Solidaritetit, kishin diskutuar lidhur me gjendjen e mësimdhënësve në vendet respektive, derisa të gjithë kishin shprehur nevojën e funksionimit dhe thellimit të dialogut social mes institucioneve dhe përfaqësuesve të punonjësve arsimorë.



Seanca e parë e seminarit me temën “Aftësi lidhësi për forcimin e sindikatave” ishte udhëhequr nga Visar Ymeri, Drejtor Ekzekutiv i Institutit për Politika Sociale “Musine Kokalari”.



Në ditën e dytë, SBASHK e kishte vazhduar seminarin me punëtorinë me temën: “Arsimi si e mirë publike”, ligjëruar nga kryetari i Këshillit Shtetëror për Licencimin e Mësimdhënësve në MASHTI, Osman Beka.




Gjatë ditës kishte edhe diskutime tjera nga pjesëmarrësit, si dhe përmbyllja e seminarit nga sekretari i përgjithshëm, Ymer Ymeri, nënkryetarja e SBASHK-ut, Vjollca Shala, dhe zyrtarja e programit nga Qendra Amerikane e Solidaritetit, Bruna Hylviu.

Punëtorja dyditore kishte për qëllim që mësuesit, si liderë, të forcojnë sindikatat dhe të përmirësojnë arsimin në Kosovë dhe vendet pjesëmarrëse të rajonit.



SBASHK – Shqetësime për mungesë të teksteve shkollore dhe mosformimin e institucioneve.




Këshilli Drejtues i SBASHK-ut ka mbajtur mbledhjen e radhës në fillim-shtator, ku ishin trajtuar disa çështje me rëndësi për anëtarësinë dhe arsimin në vend.

Një nga temat kryesore ishte mungesa e teksteve shkollore, problem që u përsërit edhe këtë fillimvit shkollor në Kosovë. Kryetarët e niveleve komunale kishin raportuar se mungesa e teksteve mësimore është më e theksuar te klasat VI–IX, ku ka mungesë të librave për shkak të dallimeve në numrin e nxënësve krahasuar me vitin e kaluar, ndërsa tekstet e dorëzuara ishin të dëmtuara dhe pothuajse të papërdorshme.

Një tjetër pikë e rëndësishme ishte shqetësimi për mosformimin e Kuvendit dhe të Qeverisë së Kosovës. Këshilli Drejtues vlerësoi se vonesat e gjata po dëmtojnë

procesin arsimor dhe zgjidhjen e kërkesave të punëtorëve të arsimit. U ra dakord që, sapo të formohet Qeveria, SBASHK-u të nisë dialogun për adresimin e kërkesave të kahershme të anëtarësisë. Nëse nuk do të ketë gatishmëri për dialog dhe rezultate konkrete, SBASHK-u do të nisë veprime sindikale, duke mos përjashtuar as grevën e përgjithshme.



Gjithashtu, Këshilli Drejtues mori vendim unanim që udhëheqësit e Shoqatave Sindikale, që garojnë në zgjedhjet komunale të 12 tetorit, të dorëhiqen nga pozitat sindikale, ose ndaj tyre të ndërmerret vendimi për shkarkim, në përputhje me Statutin e SBASHK-ut.

Në fund të mbledhjes, u trajtuan edhe tema të tjera që ndërlidhen me organizimin dhe funksionimin e sindikatës.

Përfaqësuesit e SBASHK-ut u pritën nga nënkryetari i Prishtinës, Shkëmb Manaj.



Kryetari i SBASHK-ut, Rrahman Jasharaj, nënkryetarja Vjollca Shala, sekretari Ymer Ymeri dhe zyrtari ligjor, Blendor Shatri, janë pritur nga nënkryetari i Prishtinës, Shkëmb Manaj. Ata, bashkërisht, kishin bërë një analizë të fillimit të këtij viti shkollor. Nënkryetari Manaj kishte deklaruar se institucionet komunale kanë bërë gjithë përgatitjet e duhura për fillimin e mbarë të vitit të ri shkollor. Ai kishte përmendur edhe organizimin e mësimi tërëditor edhe në 6 institucione shkollore.



Kryetari i SBASHK-ut, Rrahman Jasharaj, kishte falënderuar institucionet komunale, e në veçanti Drejtorinë e Arsimit, për bashkëpunimin e vazhdueshëm në shërbim të arsimit në kryeqytet. Të dy palët kishin shprehur shqetësime

lidhur me tekstet shkollore, duke ripërsëritur se mënyra e tashme po krijon sfida e shqetësime të prindërit, por edhe të nxënësit dhe punëtorët e arsimit, sepse po ndodhin vonesa të konsiderueshme gjersa po bëhet furnizimi i plotë i nxënësve me tekstet shkollore.

Në vazhdim të këtij takimi, Sekretari i Përgjithshëm i SBASHK-ut, Ymer Ymeri, e kishte sqaruar kërkesën drejtuar institucioneve të kryeqytetit për gjetjen e një lokacioni, në të cilin do të ndërtoheshin ambientet e SBASHK-ut, e pse jo edhe të sindikatave të tjera.

Nënkryetari Manaj kishte deklaruar se institucionet komunale do ta analizojnë me kujdes këtë kërkesë dhe se janë të vullnetit të mirë që të gjendet një zgjidhje e pranueshme lidhur me lokacionin, në të cilin do të ndërtohej një objekt me zyrat, sallën për takime e trajnime dhe ambiente të tjera të nevojshme.

SBASHK, pjesëmarrës në Konferencën Vjetore të Institutit Pedagogjik të Kosovës.




Kryetari i SBASHK-ut, Rrahman Jasharaj, Sekretari i Përgjithshëm, Ymer Ymeri, dhe Kryetari i Komisionit

Statutar të SBASHK-ut, Blendor Shatri, morën pjesë në Konferencën Vjetore të Institutit Pedagogjik të Kosovës, me temë “Arsimi gjatë gjithë jetës – qasje gjithëpërfshirëse nga fëmijëria e hershme deri te arsimi profesional”.

Në Konferencën e Institutit Pedagogjik të Kosovës, ku, përveç përfaqësuesve të SBASHK-ut, morën pjesë edhe shumë përfaqësues të institucioneve arsimore e shkencore, pritet të ofrohet një platformë gjithëpërfshirëse për diskutim, me pjesëmarrjen e studiuesve, ekspertëve të arsimit dhe profesionistëve të fushës.

Ndërsa në ditën e dytë të konferencës, SBASHK-un e përfaqësoi nënkryetarja Vjollca Shala, ku u mbajtën tryeza të ndryshme të diskutimit.

SBASHK, pas kërkesës për lirim të mësimdhënësve nga pagesa e transportit publik, mirëpret vendimin e Komunës së Prishtinës



SBASHK-u e ka mirëpritur vendimin e Komunës së Prishtinës për t'i liruar nga pagesa e transportit publik mësimdhënësit dhe kategoritë tjera të arsimit parauniversitar, pas kërkesës që Niveli Sindikal Komunal i Prishtinës kishte bërë muaj më parë për lirim të mësimdhënësve nga pagesa e transportit.

SBASHK-u, me iniciativë të kryetarit të Nivelit Sindikal

të Komunës së Prishtinës, z. Qamil Hajdini, që nga muaji qershor e ka iniciuar këtë kërkesë në Komunën e Prishtinës, duke zhvilluar kështu disa takime me zyrtarë të kabinetit të kryetarit, z. Përparim Rama, zyrtarë të DKA-së dhe përfaqësues të tjerë komunal.

“Me këtë bashkëpunim, ne po synojmë që në Prishtinë, nga trafiku, të largohen mbi 500 vetura në ditë, sepse do të shfrytëzohet Trafiku Urban. Ky hap është një veprim konkret në mbështetje të arsimit dhe i njëkohshëm me përkushtimin për një Prishtinë më të qëndrueshme dhe më të gjelbër”, ka thënë, ndër të tjera, kryetari i NSKAP-it për Prishtinë, Qamil Hajdini.

SBASHK-u e falënderon Komunën e Prishtinës për realizimin e këtij vendimi, derisa njofton të gjithë mësimdhënësit, stafin mbështetës dhe nxënësit se këtë lirim nga pagesa mund ta shfrytëzojnë që nga 1 tetori 2025.